



Ponte Irigasaun iha Suku Tiarlelo, Postu Administrativo Atsabe, Munisipiu Ermera

PNDS

Hamutuk Ita
Dezenvolve nasaun

Junho 2016

Implementasaun Programa PNDS iha Postu Administrativu Atsabe Hetan rezultado Di'ak Tanba Iha Kordenasaun Servisu Ho Lina Seitores Forte.

Implementasaun programa PNDS iha projetu ponte kanu bee ba irigasaun iha Suku Tiarlelo, Postu Administrativo Atsabe, Munisipiu Ermera hetan rezultado diak tanba iha linha kordenasaun diak ho Dirasaun Servisu Aqua, Postu Administrativo Atsabe nian.

Linha kordenasaun diak nee lao, tanba iha mos esforsu makas husi fasilitador tekniku PNDS iha Postu Administrativo neebe halo kordenasaun diak ho parte SAS atu nunee projetu bee mos neebe ligado ho seitor relevante bele lao tuir padraun. Kordenasaun iha parte tekniku ho seitor relevante inportante bele diskuti no apar iha implementasaun projetu padraun seitor relevante.

Wainhira dadalia ho Adelino Gomes, neebe halao knar nudar fasilitador tekniku SAS nian iha Postu Administrativo Atsabe, Adelino hateten implementasaun programa PNDS iha Postu ida nee hahu husi inisiu hau akompanha prosesu tomak, hahu husi planeamentu, implementasaun no prosesu hari grupo manutensaun nian.

Komunidade Aldeia Soilakudo, Suku Tiar Lelo, Postu Administrativu Atsabe, Hetan Benefisiu Husi Implementasaun Programa PNDS

Komunidade Aldeia Soilakudo, Suku Tiarlelo desde tempu okupasaun Portuguesa no Indonesia, la sente dezenvolvimentu ida tama iha sira nia suku laran tanba suku ida ne'e tama iha kategoria area remotas tebe-tebes. Antes ne'e komunidade Suku ida ne'e, iha tempu udan tenke halo esforsu bo'ot ke'e rai no hada fatuk hodi satan bee mota temporariamente atu nune'e bee husi mota ne'e bele kanaliza ba komunidade nia natar ne'ebé potenciál tebes. Sakrifisiu bo'ot durante tempu naruk ida ne'e komunidade sira bele redús ona tanba sira iha ona irigasaun ida ne'ebé implementa liu husi programa PNDS.

Hafoin programa ida ne'e tama iha Suku, komunidade sira tu'ur hamutuk hodi identifika prioridade rua mak sai hanesan prioridade aas liu ba tinan 2016, ne'e mak hanesan Konstrusaun bee mos ba komunidade nomos projetu Konstrusaun Irigasaun ki'ik ba komunidade nia natar, komunidade suku refere propoin prioridade ne'e tanba iha tempu barak nia laran problema ida ne'e difikulta tebes sira.

Progresu

Pilotu: Remata ona

Faze 1: Remata ona

Faze 2: Etapa 12

- Enkontru Akontabilidade Final, Auditoria & Evaluasaun.

Faze 3: Etapa 11/12

- Finaliza Konstrusaun
- Enkontru Akontabilidade Final


Faze 1 Siklu 2 : Etapa 9

- Tama Prosesu Transferensia Fundus Infraestrutur




Prioridade sira Iha Nasional

Faze II



Faze III



- Saude
- Bee Mos no Saneamentu
- Edukasaun, Cultura e Desportu
- Agricultura, Siguranca Alimentar no Buka Moris
- Dalan, Ponte no Kontrolo de Cheias
- Solidariedade Sosial
- Sektor Seluk

ST. PNDS Halao Treinamentu Kona-ba Gestao ho Sistema Reklamasao Keisa.

Treinamentu Sistema Reklamasao keisa (SRK) iha programa PNDS no oinsa bele halo gestaun ida diak hodi responde keisa ka reklamasao husi comunidade konaba programa PNDS, ne'ebe realiza iha ETDA Dili (24/05/2016)

Objetivo prinsipal husi treinamentu ne'e mak oinsa patisipante sira kompriende definisaun no conseitu Sistema reklamasao keisa ho nia prosesu hatoo keisa iha PNDS liu-liu format ne'ebe sei utiliza, inklui kompriende autor principal Sistema reklamasao iha kada nivel ho sira nia knaar.

Chefe Unidade Operasional Programa PNDS, Rosito Guterres, neebe reprejenta Diretora PNDS hodi abertura treinamentu ne'e hateten Sistema reklamasao keisa nee hanesan format foun ne'ebe persija akompnha ho esperensia iha terreno atu bele hadiak liutan formatu atenden reklamasao ka keisa mai husi comunidade, atu nunee bele identifika no verifika reklamasao hirak tama iha kategoria problema ou lae.

Ho nunee Chefe Unidade Operasional ne'e husu atu partisipante sira liu-liu Diretor Delegasaun sira partisipa masimu tanba Diretor Delegasaun PNDS iha Munisipiu mak hanesan gestor masimu atu rejolve uluk reklamasao ruma ne'ebe konsidera hanesan problema molok too iha nivel Nasional.



Aproveitamentu Fungsionario Wainhira Remata Formasaun, Sai Hanesan Assunto Prinsipal iha Enkontru Konsultivo Nivel Diretores Gerais no Nasional

Enkontru konsultivo nivel Diretores Gerais no Nasional neebe halao iha Ministerio da Administrasaun Estatal hanesan enkontru Rutina neebe sempre realiza kada fulan-fulan atu bele fahe ba malu informasaun inklui halo konsultasaun konaba programa ne'ebe implementa husi Ministeriu da Administrasaun Estatal, enkontru ba fulan Maiu halao iha(09/06/2016)

Ministru da Administrasaun Estatal, Deonisio Babo iha nia intervensaun hateten inportante duni ita persija hatene konaba aproveitamentu pesoal fungsionario sira bainhira remata formasaun, atu nunne bele hadiak qualidade servisu, tanba estado gasta ona osan barak hodi kapasita fungsionario, nune'e obrigasaun mak tengki hare didiak oinsa aproveitamentu pesoal fungsionario nian bainhira remata formasaun. Koalia konaba ba aproveitamentu ne'ebe fungsionario ida tengki atinji wainhira remata formasaun ruma, ba dala uluk aprejentasaun mai husi Institutu Nasional Administrasaun Publika ne'ebe responsabliza formasaun ba fungsionario hotu husi Ministeriu tomak, husi aprejentasaun Diretor Geral INAP, nota katak maioria fungsionario sira seidak iha aproveitamentu neebe diak wainhira sira remata tuir formasaun ruma tanba dala barak area treinamentu ne'ebe ofrese ba sira la tuir area servisu ne'ebe sira haknaar ba.



Atu hetan informasaun tan:
www.pnds.gov.tl
info@pnds.gov.tl

Atu fo imi nia hanoin:
keixa@pnds.gov.tl

Iha oportunidade Segundo ne'ebe, aprejenta husi Diretora PNDS, Dulce Guterres Juniar katak avaliasaun ne'ebe halo iha Sekretariado PNDS uja auto avaliasaun Pre no Post avaliasaun, ne'ebe halo antes pesoal fungsionario ida tuir treinamentu no depois remata treinamentu atu nune'e ita bele sukat, pesoal fungsionario refere nia aproveitamentu iha area ne'ebe nia haknaar ba iha nia servisu fatin.